


下編

耆社志二



耆社志卷四目

丁編 一

入社紀事

人極

德

士

善極

耆社志卷四

豐山 洪敬謨 編

丁編二

入社紀事

我三聖朝寶義靈長繼入耆社即帝王家
所未有之事入社時儀文節目之可備記載
者必多而聖祖甲戌時事文獻無徵而
朝入社事實耳目之所逮者詳所以攢拾而
載以資掌攷

太祖大王三年甲戌十月 上入耆社

國初年老宰樞仿行唐宋耆英之會結社分旬而
遊時上寶齡躋六十俯就耆社親題御詩於
西樓乃與羣老同社即上之三年甲戌十月日
也仍設官司名曰耆老所命朝臣之以文科進
身年七十官正二品以上者許入耆為例

肅宗大王四十五年己亥二月 上入耆社

己亥 上寶齡躋五十有九 王世子請遵 太

祖朝故事入耆社 上謙而不居會前直長李楫

上書請 世子又申前懇逡臣亦為之言 上命

知春秋館事閔鎮厚往江華史庫考 太祖實錄

而還言無有狀 上曰信史無徵不冝輕遽其已

之 王子延初君及諸宗臣等後先上章援據甚

悉 上曰以子孫題名於 太祖之下則亦盛事

也雖以廷臣言之七十例入耆所亦無辭免此非

可謙遂許之是月十二日禮部進帖子 上命世

子書 太祖徽歸於第一牒某年月日入第二牒

書 上徽歸某年月日入書訖承旨禮堂及本所

堂上七員具儀仗鼓吹陪進本所奉安于 靈壽

閣

時西樓已毀新
建是閣而奉安

尚方進几杖

上親受之

遣大臣告事由于 宗廟 社稷

王世子率百官陳賀頌教中外

筵說

藥房入侍時都提調李願命曰前古帝王之永年
甚稀雖以無逸篇觀之歷年之多蓋無幾矣以我
朝言之 太祖大王享年踰七十天與人歸福祿

無涯故享年之永近古所無六十入耆所雖有流
傳之說未有可據明文其後故相臣沈喜壽作者
老所先生案序記 御筆題名西樓之事故相臣
金墉序文亦有此記 璿源譜略亦記其事且聞
本所流來之言則西樓題名處舛龍奉安矣壬辰
亂後湮沒無存云喜壽既歷見壬辰以前之事則
其所記必有可據矣即今前直長李楫上書 東
宮有耆所稟行之令禮官當磨鍊應行節目而大
抵耆所前古無之唐時始有香山九老會宋時有
洛社耆英會司馬光年未滿七十而文彥博諸人

有帳後圖像之事麗朝則七十以上文官為耆老
會亦無設官司堂上啓下等事國初規制今未可
詳而太祖時耆老諸臣必多龍潛故舊攀鱗附
翼之人伏想太祖之意蓋謂鄉等好事我亦共
尚降屈威尊特入耆所至於御筆題名則實為
千古盛事矣祖宗時盛事如此後代有永年之
慶宜其趾美司馬光未滿七十而猶入耆英會今者
聖筭始滿六十則入錄耆所豈非盛舉也雖未知
儀節之當如何而既是聖祖故事且王世子
喜懼之情不可不念宜降明教使有司之臣奉旨

舉行何如。上曰：予本來多病，五十不能自期矣。既踰五十之後，常念太祖六十八耆，吾年若及六十，而以子孫題名於太祖之下，則亦盛事也。雖以廷臣言之，七十例入耆，吾亦無辭免之事。此事元非可諫之事也。李楫上書前世子已請之。上書後，又請予念其喜懼之情，已許其請矣。以此書出傳教可也。

正月十三日

藥房入診，領議政金昌集、禮曹判書閔鎮厚同為入侍。時鎮厚曰：臣以實錄考出之由，陳達於東宮而不但。太祖朝無此事。定宗春秋踰六旬，

而亦無著見處矣 上曰 太祖大玉入耆老所
事 璿源譜略既有所錄本所亦有文字世子縷
縷請之 聖祖盛事今可趾美且此事元非可謙
之事故頃者已許之今考實錄 太祖以下無載
錄之處既無信史可據則今日舉行不可矣都提
調李頤命曰若全無一事 東宮喜懼之情羣下
之心莫不欬然稍待日氣和暖會耆老諸臣於便
殿 親臨錫宴亦為盛事矣 上曰此言好矣擇
日舉行事分付可也 二十日

領議政金昌集禮曹判書閔鎮厚請對引見時昌

集曰 太祖大王入耆老所之事流傳已久故相
臣沈喜壽及金堦序文中所著似有援據然以實
錄不載之故至寢 成命 王世子抑鬱之懷羣
下缺望之情極矣幸因兩 王子及諸宗臣陳疏
蒙 允復許舉行一國臣民之慶幸當復如何茲
事非但槩見於兩相臣序文故晉原府院君柳根
所撰故相臣李元翼賜几杖序有曰 太祖大王
降屈至尊親臨斯會至作者老軸 御諱親筆藏
之本所龍蛇兵革以後三百年故蹟蕩然無存云
此二臣俱是壬辰以前之人必有所目覩而記其

事此足以徵信當時聖祖之降屈而入在者所
諸臣固為曠代之榮耀而自太祖視之不過為
一時之好事故似無補慶之事矣即今聖筭靈
長趾義盛事此實三百年来所未有之慶且以
王子䟽見之有宣祖大王亦嘗擬待六旬之語
而今我聖上受天永命躋于耆壽追太祖已
行之典成宣廟未及之志其承祖宗之衍慶
享靈休於無疆者視太祖創行之日尤宜有所
鋪張補慶之舉斷不可已也鎮厚曰茲事非但我
朝三百年所未覩前古史籍亦未之有而特以自

下不敢直請降屈之故方用抑鬱今有許入之

命喜抃之心曷有其極但節目之間無可考據茲
敢請對仰稟矣耆老所奉安處所如或有傷圯處
則為先修理而新造冊子精加粧緘別擇吉日承
旨及本所堂上一貲奉詣 殿座書以尊號 殿
下某年月日入云云而自 上方有眼患似難親
寫代書之人亦以善寫朝士啓下既書寫之後具
儀仗奉安於本所又擇吉日告 廟陳賀而設科
又是次第應行之事也凡慶科或設增廣或設別
試而別試有六百三百之分增廣有大小之別或

別試則似輕宜以增廣定行矣鎮厚曰登極三十
年設增廣實仿宣廟朝故事而其時取三十三
人矣大臣之意蓋以別試為輕欲行增廣矣上

曰三十三人增廣為之可也昌集曰儀節舉行之
前先行進宴似不可已矣上曰予入耆老所誠

是好事然如此飢饉癘疫之歲何可為進宴乎况
眼患如此雖設進宴不能視物有何所益依前成

命只行耆老諸臣賜宴可也

二十七日

藥房入診禮曹判書閔鎮厚同為入侍時鎮厚曰
几杖制度日者草記已為略陳而猶不為分明故

茲敢面達以周禮圖觀之其狀似可四隅有足而
朝家賜几杖時所用之制則乃是交椅也 上曰
交椅乎交椅何可謂之几乎鎮厚曰以孟子隱几
之義見之則其非交椅可知而其制如此誠莫曉
其故矣都提調李願命曰故相臣李景奭 先朝
賜以几杖在於其家該書取見則乃交椅且完乎
府院君李元翼亦於 仁祖初年賜几杖而其家
几杖則經亂不保獨有設宴圖而其畫几杖亦交
椅矣孟子有隱几而卧之設若如此則何以憑而
卧乎賜几之制前後如此實未知其故矣 上曰

分明非交椅也。顧命曰：古人於君父之前皆立侍。若賜之坐，則中國無坐侍之規，必賜椅、凳等物。或因此而几亦變為交椅之制乎？未有可攷。鎮厚曰：故相臣權大運處所賜之杖，取來見之，則中間有一小環，其家以為當初環掛以紬巾三尺云。閭巷老人或有掛巾杖頭者，而決非禮典所載。今番進上之杖，則不用環矣。上曰：然矣。鎮厚曰：臣於草記已陳之，今當以便於憑扶為主。几欲略從周禮圖造之矣。後漢書云：天子玉几，冬則加綈，綿其上。謂之綈几。公侯木几，冬則以罽為囊，憑之，不得加。

綈綿即今非冬月罽囊則不必造入自 上知其
有古例而如欲於冬月用之自內似亦可造之矣
上曰此當自內脩之只造几以八鎮厚曰杖亦以
木為之而削成九節下端插以小錘似好已與尚
衣院提調講議矣 上曰唯上端當有鳩乎鎮厚
曰杖頭例有鳩而杖則漆以倭朱紅鳩則欲以灰
色矣 上曰唯

脩局堂上八侍時領議政金昌集達曰 靈壽閣
扁額令朝臣中善寫者書之懸板何如 令曰依

為之

四月三十日

疏啓

前直長李楫上書伏以臣自以德興大院君五代孫霑朝家敦叙之恩其愛君之誠為國之忱自倍恒人恭惟我主上殿下即阼于今四十有五年矣寶曆之綿長春秋之富盛前牒之所未見列聖之所罕有臣民之喜祝宗社之慶幸為如何哉而况又明年己亥六旬之期矣仍念我太祖康獻大王乙亥誕降而甲戌入耆老所此在國史亦錄於璿源譜略至今班班可考則豈非帝王之盛節後嗣之可鑑者哉惟我聖上之明年

即太祖之甲戌也本所舊規凡於堂上新入之時輒正月初一日入錄先生案而本所預以臘晦告知明日之當入者亦三百年遺例也今年歲末又將有本所之奉請者而但念人子之事親也其親或至回甲或至重牢之年則愛日之心不能遲待當月之屆又越其孟陬亟行盛宴亦可見至情之所在也臣子之事君父亦猶是也今當新正意謂有司之臣必即援例奉請所當引月舉行而側聽屢日尚今寂然顧以宗戚微臣之賤不勝慨鬱之忱不避煩猥冒死仰陳伏願 邸下入稟于

大朝亟令本所稟行以副臣民之顙望千萬幸甚

己亥正月
初十日

荅曰覽書具悉惟我太祖大王春秋六十入耆老
所此實罕有之盛節也今聖上春秋五十有九人
子歡喜之心為如何哉每欲援例仰請矣覽爾上書
深嘉爾誠亟令本所稟行

密昌君臣檄洛昌君臣檄西平君臣檄陽平都正
臣檄等上書伏以今我主上殿下賴皇天祖
宗之保佑春秋殆滿六十享國亦至四十有五載
此誠我東方無疆之休在遄牒所罕覩者也頃者

入錄耆所之 命出於舉國顒望之際 聖祖已
行之盛事今可趾美 邸下喜悞之誠心庶或獲
伸凡在今日含生之類莫不歡抃鼓舞惟俟盛典
之亟舉矣伏聞再昨筵中以信史之無徵遽有不
可舉行之 教臣等驟聞驚惑不任落莫之至惟
我 太祖大王之春秋六十八錄耆所仍題 御
諱於本所西樓之上三百年来塗人耳目至今誦
說非若傳疑襲訛之比故相臣沈喜壽序其事而
夸美之故相臣金堉跋其後而傳信焉況沈喜壽
歷見壬辰以前之事則其所稱述實為考信之明

證而 璿源譜略乃是我朝系譜記實之書則所以致其謹嚴者視實錄尤有大焉而書之曰春秋至六十入耆老所仍 命文臣爵二品七十者同與耆老宴今日所當取信者豈有過於此者乎實錄之無所記載雖未知其故而抑由於國家創始之初文獻疎略之致則何可以信史之無可據而遽寢應行之盛事也哉且念當初實錄之考出不過為儀節間事而非欲考出入錄與否則今因史策之不載並與 成命而還收實是意慮之外不但臣民之舉切抑鬱伏想 邸下以無不用極之

至意其為缺望當復如何我 聖上春秋過五十
之後一國上下舉皆欽誦 太祖朝故事而待之
曰自今至某年我 聖上亦當入耆所頌祝冀望
者十年于茲而萬口同辭咸無異議則此可見人
情之大同也雖無可援之前例自我作古創舉盛
節不害於 聖世之美事而況我 太祖之入錄
考之 璿譜及先輩序文不啻詳悉者乎伏乞
邸下更稟于 大朝亟令該曹依前 下教而舉
行俾曠古之盛典毋至將行而還格不勝大願
荅曰覽書具悉 聖上念予喜惧之請許入耆所不

勝歡抃矣昨於筵中以信史無徵遽寢 成命歡抃之餘缺然當復如何更即竭誠申請而輒以不載實錄不許缺望愈甚抑鬱度日矣

東善君臣炳東昌君臣烜等上書伏以惟我 主上殿下紹述 太祖大王故事將入於耆老所一國臣民莫不蹈舞歡抃拭目加額自以為獲覩稀濶之盛舉日昨筵中說話雖未知如何而伏見舉行條件則有以為信史不載為言遂令盛大之舉將至寢閣臣等伏不勝驚歎抑鬱之至大抵人君享年六十歷代罕有而親入耆社尤是歷代罕有

之事也實錄中不載者當時史官之過今不必舉
論而國朝諸名臣文集中有可以取信而足為明
證者臣等伏觀故相臣李元翼賜几杖宴序即故
相臣柳根所撰也其序曰恭惟我太祖康獻大
王枉屈至尊入斯會至作者耆老之軸御諱親筆
藏之本所賜以臧獲等物列聖寵賚土田魚場
船稅之屬列聖之優待本所者非但惠養老臣
而已蓋為聖祖親入之所故至優至渥之恩前
後稠疊也臣伏觀耆老所先生案一即故相臣沈
喜壽所撰也一即故相臣金堉所撰也兩序中

太祖大王親入耆社之事極其揄揚刻之金石載
在本集柳根沈喜壽金瑄皆是典文衡登台階而
歸為博古通今者也其所著述足以為後世之傳
信而亦可為國家之良史也取以覆視則證驗昭
明豈但以實錄中漏而不載有礙於莫大之盛舉
哉一自太祖大王親入耆社之後永為國朝之
美談非特兒童走卒莫不傳誦至於閭巷婦女亦
且聞知咸曰三百餘年盛事寥然矣幸乎天佑
聖躬寶筭靈長聖祖故事將復見於今日而不
意聖志撓謙將未免中撤臣等伏切歎惜也伏

願 邸下特命史官考出三相臣所撰序文又考
耆老所先生案仰稟 大朝亟舉縟儀紹 聖祖
之遺躅脩曠古之盛典以為臣民之顙望千萬幸
甚

荅曰覽書具悉昨於宗臣書荅已諭予缺然抑鬱之
懷矣

王子延初君臣諱延齡君臣明宗臣臨昌君臣焜
檜原君臣倫全城君臣混礪山君臣枋林原君臣
杓礪原君臣柱礪城君臣楫西平君臣橈花陵君
臣洮密昌君臣檄密善君臣格咸平君臣泓月善

君臣燠靈原君臣樞洛昌君臣樞密南君臣堪西
川君臣梶益寧君臣梯昌寧君臣樟密川君臣壇
夏川都正臣椅西陵都正臣煜連城都正臣綱昌
山都正臣相陽平都正臣檣密平都正臣堞平原
都正臣標等上疏伏以皇天 祖宗降監 聖德
錫以永命躋于耆壽實是 太祖大王以後所未
有之大慶者所書 諱厥有 太祖朝故事則踵
而行之尤為曠世盛舉此我 春官所以積誠申
請 聖朝所以即賜允可者也一國臣民莫不拭目
蹈足思見盛事之遄舉矣乃者考史之行饒返

遽見 成命之寢止中外羣情孰不訝鬱而若臣
等忝近屬籍自有此議以來顙祝之誠自倍於人
到今缺望尤何可言蓋伏聞今茲寢 命由於實
錄之無所可徵云此則臣等之愚亦有可言者夫
實錄雖云信史臣等嘗聞國初制度草創史官記
事甚多踈略故在前國家有事考出實錄而其於
國初事每患無徵云此事之亦或見漏固無足恠
而 太祖大王西樓書 諱之事實載於故相臣
沈喜壽之耆所先生案重修序文中喜壽及仕壬
辰亂前而亂後為此必據其耳目之所覩記非若

傳信傳疑之比也伏況 太祖大王廟號尊謚亦
且敬書案首此何等重事伊時耆老諸臣夫豈無
所稽而敢為是哉此外名臣長德記述之語亦多
有之而其為文獻之可徵孰有過於先生案者哉
頃日相臣筵奏實亦據此為辭以至於有 成命
矣考史之舉則初非有疑於本事有無只欲考據
其儀註節目之詳而已也考之而儀節無可據焉
則自今更為講定可也安可以此而還廢其文獻
可徵之盛事也哉筵席語秘雖未知伊日諸臣奏
對本意之如何事理之較然如右所列而觀於日

昨宗臣上書之荅可見我 春宮孝思亦有抑鬱
而未伸者矣 殿下於此其何可一向牢執不思
所以勉強 春宮之誠懇慰荅羣情之顓望乎噫
嘻當此三百年後始有之盛會延緒三百年 聖
祖之美事則當初 聖教所謂此非撓謙之事者
誠是至當底道理今若歸重於元來踈漏之史牒
以致盛禮義慶闕而不舉則今日羣下之缺然固
不須言而是將並與 太祖大王盛事懿蹟而永
泯於來世也 殿下亦何不念及於此耶臣等又
嘗伏聞 宣廟晚年亦嘗擬待六旬之至延踵

太祖故事而有未及焉故臣僚逮事者未嘗不追
恨於後云今幸 聖壽靈長已臻六旬而盛事終
亦不舉則豈不為國家之欠典臣民之至恨乎輒
敢唱率諸宗齊聲叩闕伏乞 聖明亟取耆所先
生案 親經睿覽仍前 成命亟舉盛儀上繼
聖祖已行之典下慰 春宮抑鬱之忱千萬幸甚
荅曰省疏具悉此事元非可謙故即允世子之請矣
厥後寢成命以其不載實錄也世子之缺然申請愈
往愈懇而甫等及多宗之言亦如此仍又思之 太
祖大王書 諱之事載於沈嘉壽耆老所先生案重

修序文中今茲文字決非杜撰且宣廟去古未遠而晚年亦嘗擬待六旬之至延踵太祖大王故事則尤為明的而疏中是將並與太祖大王盛事懿蹟而永泯於來世云者所論甚是依前下教舉行焉本所堂上領中樞府事臣李濡議政府領議政臣金昌集行判中樞府事臣金宇杭行知中樞府事臣黃欽行知中樞府事臣姜覲行龍驤衛司直臣洪萬朝行龍驤衛副司直臣李善溥行司憲府大司憲臣鄭滌議政府右叅贊臣申鉉等伏以洪惟我殿下聖德彌邵壽考無疆承太祖億萬世

之丕基繼 太祖三百年前盛舉降屈威尊親入
耆社列書 御諱先前照後此實前古帝王之所
未行我 太祖後 列聖以來所未有之大慶舉
國舍生之類莫不歡抃鼓舞而臣等忝在耆耆之
列愛戴之忱尤為倍功幸得復更無死復見 太
祖朝羣臣上下同樂太平之故事臣等死無遺憾
矣第於頃日大臣宗伯請對時稱慶節目次第稟
定而獨於進宴一節自 上撫謙且以 玉候方
在靜攝之中故不允所請而乃有本所諸臣賜宴
之 教臣等聞此相顧愕貽下情不勝歉然繼之

以悶歎噫今日之舉凡所以告 廟頒赦獻賀彤

庭特設大科以示一國同慶之意者何莫非揄揚

我 殿下盛德遐筭永享洪祚趾美 聖祖而然

歟他餘儀節容或可省至於進宴之禮決不可已

也茲 教一下非但羣下之心舉皆缺望其在

春宮喜惧之情抑鬱之懷又當如何若夫進宴停

罷而臣等先叅式燕之席求之道理分義寧有是

哉子不先於父食禮也君臣猶父子雖在尋常小

節猶皆截然有分況此賀宴上壽何等大禮而

上前則停之臣等猶自冒當乎萬萬不敢安之義

敢此伸控伏願 殿下亟寢臣等錫宴之 命特
許禮官進宴之請稍待 玉候漸勝日氣和暖消
吉舉行以慰 春官愛日之誠以副羣臣慶祝之
願以奉承 宗廟神靈終始眷佑之意千萬幸甚

申鉅
製

荅曰省疏具悉卿懇吾年幾及六旬退繼 太祖朝
故事親入耆社則會集耆舊式燕以樂自是善政斷
不可已卿等體予敬老尊年之意安心勿辭焉至於
進宴事日者筵中面諭予意卿等之申請雖懇終難
允許也仍 傳曰遣史官傳諭

領中樞府事臣李濡

以下座目上同

等伏以臣等於日昨

瀝盡肝膈齊聲籲呼乞收賜宴之誤恩冀循進爵

之微誠矣及承 聖批未蒙開可而錫宴之 命

仍前不改臣等聚首相顧竊不勝抑鬱之至今此

大慶實是前所絕無而僅有者其在 春宮喜悞

之情臣子懼朴之誠寧有其極哉當初進宴之請

實出於志慶之意決不可虛過者也雖緣 聖心

之過自抑損謙讓不受而此與豐亨豫大之事自

不相類初無一毫可謙之端雖以閭巷匹庶之家

言之當父母遲暮之年必欲稱觴獻壽者自是人

情天理之所不容已者 殿下於此有何所嫌而
終始固拒以孤羣下祝 聖之微悃耶 殿下如
以民憂國計為慮則只當就其繁文中務從裁省
俾不至於張大可也何至全然廢閣致有欠缺之
歎乎矧伏念 聖上既不受應行之典而臣等乃
反叨匪分之恩在 殿下優老之盛意則固至矣
獨不有歉於臣子愛日之忱乎臣等雖承 聖諭
之勤反復思惟終不可獨膺異數茲復齊籲伏乞
聖明亟寢錫宴之 命特循進爵之請以慰羣下之
至情以安臣等之微分不勝幸甚

荅曰省疏具悉卿懇親臨錫宴終不可已不許進爵
非出譴讓卿等須體予意勿復陳請焉仍傳曰遣
史官傳諭

本所達曰今因前直長李楫上書有令票行之
教矣恭惟我太祖大王春秋六十八耆老所今
我主上殿下明年乃是太祖大王已行盛舉
之春秋此實太祖以後三百餘年所未有之大
慶一國臣民孰不欽仰并歡本所先生案只記
太祖大王六十八本所先輩序記中且有太祖
大王留御諱親筆於本所西樓上之語而久遠

之事無他可考今當 邸下代理之日凡所以舉

行儀節與前有別不可草草故臣等方欲從容相

議以令禮官預為稟定之意入達而今此檄書有

今年扶例奉請之語而 下答徽音又以稟行為

教實副羣下之願望誠為慶幸應行節目亟令禮

曹稟定何如 達依準 正月十一日○本所堂上
崔奎瑞鄭端在外未參

禮曹達辭因耆老所申目 殿下入耆老所應行

節目令該曹稟定事 達下矣此是 太祖大王

已行之盛舉而事在久遠元無可考之文亟令耆

秋館考出江華所藏實錄後稟處何如 令曰依

達即為考出以來

十二日

禮曹啓曰

傳曰

太祖大王八耆所後几杖造

入之事至今流傳此一款令該曹稟處事 命下

矣此事不載於本所所在文字中而臣等孤陋全
未聞知故不得稟定矣 聖教如此母子奉進之

時几杖亦為精造以入何如

傳曰允二十日

禮曹啓曰因本曹草記几杖精造以入事 允下

矣謹稽周禮司几筵五几左右玉雕漆阮氏圖几
長五尺高二尺廣二尺兩端赤中央黑漆馬融以
為長三尺無兩端赤中央黑漆之義杖制則元無

可考矣今此几杖之進皆以堅木為之恭用倭朱
紅几則略以金錫緣飾杖頭安鳩下端有小鐺如
朝家宣賜老臣之制而稍大其樣恐為得宜令尚
衣院依此精造何如 傳曰允二十

九日

禮曹啓曰今此冊子奉進及奉安時應行節目叅
酌磨鍊令各該司依此舉行何如 傳曰允二月初二

日

一冊子書寫所用黃筆實預差并令工曹各別
精造硯石匣具真墨令尚衣院進排 一冊子
奉詣耆老所時彩輿及前導儀仗鼓吹當部官

負義禁府郎廳清道人部將禁喧軍士諸色軍人各該司舉行道路令漢城府修治消潔鋪黃土事 一承旨史官本曹堂郎各一員以黑團領陪進 一閣內外及耆老所遮帳排設等事令各該司舉行

禮曹啓曰冊子奉進吉日今二月十一日辰時為吉云以此日時定行奉安則同日隨時舉行事

傳曰允

二月初二日

禮曹啓曰今二月十二日遣大臣 宗廟 社稷同日曉頭先行告祭後巳時頒教 王世子率百

官陳賀

中官殿一體陳賀而節目以權停例磨

鍊何如

傳曰允

二月初十日

政院啓曰耆老所堂上領議政金昌集送言于本院曰冊子明日當依儀注進入而空張及排字紙今日似當先入仍為留中元冊子則 睿覽後還下以為明日陪進之地云矣敢稟 傳曰依為之

二月初十日

御帖移奉後

傳曰靈壽閣造成主管堂上知

中樞府事任陞半熟馬一匹行知中樞府事姜

覲兒馬一匹上樑文製述官提學李觀命半熟

馬一匹扁額書寫官右叅贊申鉅熟馬一匹賜
給監役官繕工監監役宋宗錫六品遷轉上樑
文書寫寫字官李爾芳上絃弓一張賜給監董
箕貢李時彬藥房高挺參米布從優題給貢役
工匠等令該曹米布分等磨鍊題給

耆老所藥房高挺參書吏朴震興李東發庫直朴
起彥使令表貴同羅順常典僕巨萬等呈問安單

子於差備門外

正月十四日

備局堂上引接時正言魚有龍所達臣伏聞耆老
所下人及補以藥房色丘私自問安於差備門外

其為猥屑莫此為甚不可無警責之道該所堂上
亦難免不能檢察之失請耆老所下人囚禁科罪
當該堂上從重推考 令曰當稟于 大朝處之
為荅矣人告于 大朝則此元非科罪之事而堂
上中有三大臣則請推之論尤涉率爾為 教矣

正月十
五日

正言魚有龍避嫌違曰臣於昨日次對時以耆老
所下人囚禁科罪當該堂上從重推考事有所論
違則 邸下以稟于 大朝而處之為荅矣即伏
見 令旨中所諭 聖教則以此元非科罪之事

堂上中有三大臣則請推之論尤涉率爾為教
臣於是竊不勝矍然悚縮之至今日盛舉即太
祖朝以後所未有之事也宗社之慶幸臣民之
欣忭孰有大於此者乎方將考出寶錄稟定節目
姑未知儀文之當如何而本所下人等不識分義
之至嚴或稱藥房或稱色丘私詣差備門外書納
單子有若諸司吏隸之循例問安其官長者然事
體之猥越莫此為甚是雖出於無識之致而聽聞
所及莫不為駭臣之請其因治者蓋為此也而及
承聖教乃以臣言為非至於堂上中雖有三大

臣而臣之請推既曰當該則此推有司堂上非謂諸大臣而又反責之以率爾臣誠慄惕繼之以訝惑也臣欲存事體安有所論而言不見信致勤

嚴教臣何可晏然仍據職次乎請令遞斥臣職

令曰勿辭退待物論

正月十六日

獻納黃璿達曰引嫌而退推治之論欲嚴等威請

推該堂非謂大臣則未安之教何必為嫌請正

言魚有龍出仕事入達令曰依達

正月十七日

九月 上御景賢堂受宴

先是大臣諸臣以上入耆社實為三百年罕有

之慶屢請進宴而 上以年事不登病且難強不
許至是大臣又以為請 上始勉從之

進宴儀

是日 上具袞龍袍翼善冠乘輿出內侍奉几
杖從之繖扇侍衛如儀仗動鼓吹振作奏與民
樂 上入堂鼓吹止軒架作 上升座內侍奉
几杖置座側尚瑞院官奉寶置案樂止近侍及
諸執事下殿先行四拜禮訖還入侍 王世子
率宗親文武百官入就拜位樂作行四拜訖樂
止提調進酒器樂作進訖樂止 王世子以下

皆跪提調進揮巾樂作內侍受揮巾進訖樂止
提調進饌案樂作進訖樂止提調進行果樂作
進訖樂止承旨跪請進花供花盤樂作內侍受
花進訖樂止提調捧盞水樂作內侍受進訖樂
止王世子以下俯伏興平身復跪提調進小
饌樂作進訖樂止王世子以下俯伏興平身
典樂二人分東西立唱尊宗樂章維天之曲訖
相禮引王世子陞自東階由東門入進第一
爵授提調出就拜位跪宗親文武百官皆跪致
詞官陞自西階由西門入進當座前跪致詞而

退 上舉爵樂作奏千歲萬歲提調進受虛爵

復於坵樂止 王世子以下俯伏興復跪提調

割肉跪進于饌案之右樂作奏清平曲提調進

饅頭進訖樂止 王世子以下俯伏興平身願

議政金昌集進第二爵致詞官進致詞如前儀

傳教官由東門出臨階西向立傳教曰敬舉卿

等之爵 上舉爵樂奏五雲開瑞朝 王世子

以下行三叩頭山呼禮樂奏桓桓曲 王世子

以下四拜樂作相禮引 王世子引儀分引宗

親文武百官升殿就位 上命侍衛諸臣就座

典樂引歌者及琴瑟分東西陞階立副提調供

王世子饌卓別行果輔德供花副提調供 王

世子饌執事者設宗親文武百官饌卓敬花訖

提調進湯樂作 王世子以下離位伏進訖還

就位副提調供 王世子湯執事者設宗親文

武官湯訖樂止判中樞府事李瀕命進第三爵

如前儀樂奏步虛子令舞童入作副提調供

王世子酒執事者行宗親文武官酒此下進爵

時皆如之進訖樂止進湯全城君混進第四爵

樂奏井邑慢機舞童入作錦平尉朴弼成進第

五爵樂奏步虛子令舞童入作奏千年萬歲頌
敦寧府事金柱臣進第六爵樂奏井邑慢機舞
童入作奏清平曲行戶曹判書宋相琦進第七
爵樂奏與民樂令舞童入作提調退小饌進大
饌樂作奏太平年之曲仍奏與民樂鄉唐樂交
作處容舞入作副提調供 王世子饌執事者
設宗親文武官饌訖樂止頃之提調進撤案副
提調撤 王世子卓執事者撤宗親文武官床
訖諸大臣同進陳慶祝之辭退就位 王世子
降就拜位率宗親文武官行四拜禮樂作拜訖

樂止通禮跪啓禮畢工鼓祝樂作 上乘輿還

內工憂敵樂止 王世子還內放仗

英宗大王二十年甲子九月 上率 王世子幸耆

老所展拜 靈壽閣 親題御帖

甲子 上寶齡躋五十有一宗臣礪恩君梅上疏

請遵 太祖 肅宗故事入耆社 上許之廼以

九月九日詣昌德宮謁 璿源殿遂幸耆老所拜

靈壽閣 御楹內親書御帖禮官進几杖 上親

受之親製御帖自叙以 御筆書下奉藏于 靈

壽閣御帖函內

遣大臣告事由于 宗廟 社稷

親臨崇政殿受賀頒教于中外

初十日

引見耆社諸臣于景賢堂

筵教

傳曰昔年下教已有入耆社事 太祖朝盛事也而
三百年後我 聖考追踵故事而行予之其欲擬待
繼述者若昔年此非可謙之 教者也而頃曰宗臣
之請有下教于筵中者心猶在而斯允者微意在焉
宗臣之章望六二字不無意見而今者大臣諸臣又
請且予於此有興思者噫人子愛日之心上下奚間
追遵昔年 聖考故事於奉 慈闈之日可謂兩幸
既從其請而追惟昔日感懷深切矣

八月二十六日

傳曰己亥年則初寫 御帖有 便殿先寫奉安之

事而今番比己亥有間當先謁於 靈壽閣奉審

御帖後當寫於閣內其令儀曹吉日以開月旬前擇

入 八月二
十六日

傳曰當先展謁於 璿源殿仍入耆社當書帖其令

儀曹依此舉行 八月二
十六日

傳曰今者此舉其欲追踵故事之意豈有毫分豫大

之意而大臣諸臣援例陳請非特為予上關 慈闈

其在道理不可遽然以拒之以此意不可不一番稟

達 慈教有曰今番茲事遵昔日而行之一感一稟

之心予亦同然而既遵故事而行則雖節目間事當
遵昔日豈可過謙諸臣之請其固然矣予先勉強而
從焉復何撓謙為教我 慈聖謙抑之盛意豈徒予
手諸臣共知而今者此 教一則以示志喜一則為
予勉從此 慈愛之至意也人子之道養志為先小
子豈敢不奉承既諭筵中意雖在乎悅 親事不可
乎張大昨年三宴同日而行意在叅酌融融並備况
昔年有例今何忍各設其令儀曹以此禮舉行於外
宴名雖進宴實則養老叅宴諸臣耆社諸臣外依上
年例舉行以示予體 慈聖慈愛之心伸涼德從簡

之意

九月初二日

筵說

纂輯堂上引見時禮曹判書李宗城曰奉審 靈壽閣御帖進几杖等事不可無儀注此節當議于大臣而裁定矣 上曰似當有儀注諸臣賜几杖亦有節次矣宗城曰諸臣賜几杖時載于龍亭承旨陪去矣 上曰已亥例則尚衣院官負直為奉進于差脩門矣今番則展拜書御帖等事既異于昔年進几杖亦當有節次 靈壽閣展拜後尚衣院提調進排禮官奉進可矣宗城曰然則當以此

出儀注矣

上曰唯

八月二十七日

上詣耆社入幕次時

上曰閣內奉審時大臣耆

社堂上禮官一員入侍安矣又

教曰予之展謁

時大臣承史耆臣禮官入庭可也

教承旨曰只

入庭者行禮耶承旨趙明履曰然矣

上曰耆社

諸臣入侍事分付禮判即入

上入就庭東版位

禮曹判書李宗城曰

展謁時龕門盡開乎

上

曰使耆堂開之行知中樞府事申思詰入閣內開

門

上行禮時教曰三駙馬從後一齊入叅上

親賜御帖還安龕中進几杖

上顧謂耆社諸臣

曰予今與卿等同入耆社義有自別人皆以予為老而惡黨習之心尚不老矣卿等皆老宜無可勉而彼重臣之子也蓋指李聖龍而有教不為畢說聖龍惶恐俯伏而已上曰行禮罷後耆堂及時原任大臣八侍幕次事分付右議政趙顯命曰奉朝賀李宜顯來外云矣李宗城曰趙遠命亦來云矣判府事金興慶曰遠命則金不視物無可入之路矣上曰各司先生案皆有趺文乎領議政金在魯曰皆有之矣上曰初本一件所書者進之上出御幕次命耆臣大臣八侍領議政金在

魯左議政宋寅明判府事俞拓基右議政趙顯命
耆社堂上行知中樞府事申思誥行副司直尹陽
來知中樞府事李震箕知中樞府事鄭壽期工曹
判書李聖龍八侍 上視鄭壽期曰彼耆臣精力
足行判尹矣今年幾何趙明履曰八十一歲矣在
魯曰彼九十二歲翁尤可貴矣 上曰以強健有
名云矣 上親製歌詩仍手寫以示耆臣曰揭板
于耆社可矣思誥曰臣以 三朝舊臣更覩盛事
欣忭之忱有倍他人矣 上曰卿等皆是昔年之
臣豈知予年踰五十與卿等同會於耆英閣耶予

於靈壽閣見膳錄煎藥等物既已姑減其餘者
又多欲除云夏人尚德殷人尚齒豈可因予而減
之乎凡事依例為之可也聖龍曰以此有所稟達
者而今日甚忿遽從當改書單子以入矣震箕曰
臣以特恩加資而今又入侍耆宴天恩固極無
路報答臣今年九十二歲願以臣年獻之矣上
曰語音頗老矣聖龍曰九十二歲老人之如是者
亦難矣明履曰判府事徐命均泄病瘁重不得入
侍如奉朝賀李宜顯則老病未由入侍早使退去
何如上曰上番無春秋出去以不得相見心甚

缺然之意致語而趙遠命亦使早退可也

疏啓

礪恩君梅上疏伏以皇穹垂庥百靈效誠 玉候
愆和翌日乃瘳百僚之抃賀八方之懽躍洋溢覆
載而時丁久曠陳賀之日甘露大注和風條暢洗
滌虐魃札瘥之灾轉為太和靈長之休茲豈非迓
續景命之一大機也耶古語曰欲法堯舜當法祖
宗昔我 太祖大王乃於 聖筭滿六旬之年降
屈威尊入於耆社與 潛邸佐命翼戴諸臣從容
杯樽共享壽考之樂此實自有簡策以來所未有

之事而始昉於國朝至今傳為勝事亦粵我 肅
宗大王寶筭至五十九而因耆社諸臣之疏請踵
成 太祖之舊例適延西樓之故事此是我朝之
盛典豈不休哉洪惟我 殿下春秋逾五望六凡
今日臣庶孰不嘉悅而齊祝岡陵之壽耶昔者宋
臣文彥博留守西都時作者英會而司馬光年未
滿限而文彥博用唐九老狄兼謩古事請入司馬
光昭在文字傳為美談夫以在臣下而不拘年齒
許入耆會則况至尊乎竊念 肅廟既未及 太
祖六旬之年而入於耆耶則我 肅考靈筭之五

十九我 殿下春秋之五十一其間雖似差池望
六旬則一也又伏念 肅考於己亥年入耆社而
其間未滿三十載其時耆社諸臣雖無在世者文
武在位著而親觀盛舉則亦多有之不過三十年
之間 殿下克遵 肅考已行之盛典遠追 太
祖之故事使己亥躬親之諸臣更瞻 兩朝無前
之盛禮此亦史乘所無之盛舉而亦為千百代流
傳之盛事豈不休哉豈不盛哉伏乞特軫微臣愛
主之血忱俯詢諸臣亟行紹述之盛典不勝幸甚

荅曰省疏具悉予雖涼孝建慕之心年深而一倍矣
卿章遽上尤增此懷於全州則既有下教莫知緣何
曰循而雖或有司之臣遲滯於予心不覺歉然其令
禮官考其事稟旨舉行有土之石埋文之碑雖曰事
重而然可謂闕典次第舉行其附陳者噫人子為親
之心王公匹庶奚間 穆廟待六旬之故事予已陳
章於昔此非譙讓之 教尚在于耳目予雖涼德其
所踐行者意在繼述于今設廳而行命禮官而續纂
者亦此章中一事也噫以予經歷宣意五旬而此中
其猶企望者待其年建踵 兩朝之故事也故頃者

瞻拜耆閣時有下教于相臣者而其後年益深而恙
益痼此予夙宵興嗟者也今卿之章既感我心于今
陳章不亦早乎况耆英事謂予以建踵故事則猶可
也引其事尤何敢當焉哉

禮書終曰 親臨 靈壽閣奉審後 御帖親書

吉日推擇則來九月初九日平吉十一日寧吉云

以何日定行乎 傳曰以初九日定行

八月二十六日

禮書終曰 聖上入耆社後几杖依已亥年例令

尚衣院造進之意昨日筵中既已陳橐矣即令尚

衣院精造以入何如 傳曰允

八月二十七日

本所啓曰 靈壽閣樑上塗灰與 御帖奉安所

內外丹青年久滄色不可不改為修理而 御帖

當為移安於本所大廳壁龕修理畢後還安矣移

還安吉日令該書擇日修理等事亦令戶書舉行

而 親臨日子只隔一旬急速舉行之意並為分

付何如 傳曰允 十八日二

禮書啓曰因耆老所草記 靈壽閣樑上塗灰

御帖奉安所內外丹青修理時 御帖移安吉日

推擇則來九月初二日巳時為吉云以此日舉行

何如 傳曰允 十八日二

禮曹啓曰今此 聖上入耆社之禮實是國家莫
大之慶告 廟陳賀頒教八方之後設科取人自
是應行之事取考騰錄則已亥 肅宗大王入耆
社後設行增廣矣今亦依前例以增廣定行何如
傳曰允開春舉行 九月初九日

本所藥房高挺參書吏張漢柱朴枝秀崔昌基
庫直李世徵使令崔三芳金千世金尚鼎文占
金等呈問 安單子于差備門外 八月二十七日

入社儀

禮曹節目九月初九日 璿源殿展謁禮畢

殿下詣 靈壽閣時宗親文武百官敦化門外

分東西序立 王世子出就敦化門外入幕次

為白有
如可

大駕將至出次祇迎仍為隨 駕宗

親文武百官 大駕 王世子至鞠躬祇迎以

此侍衛至替社 殿下入大次 王世子入次

百官大門外右就次

為白

一 殿下仍御衣

龍袍入就 靈壽閣庭東版位 王世子仍具

袞龍袍入就位行四拜禮大臣及耆老諸臣禮

書堂上亦以黑團領入恭行禮

為白

一一殿下

陞詣閣內奉審時 王世子從陞承旨史官宮

官內侍及大臣耆老堂上禮官各一員侍入為白

矣乎御帖奉出 親書訖還為奉安後 殿下仍

御閣內尚衣院提調以几杖進禮官傳奉進御

為白 一 御帖親書所入筆墨硯石匣具床

案等物令各該司各別精造進排待候為白

一 御帖親書禮畢 還宮時宗親文武百官

出就耆社洞口外祇迎位分東西序立鼓二嚴

王世子出就大門外入幕次為白有 大駕將

至出次祇迎仍為隨 駕宗親文武百官 大

駕 王世子至鞠躬祇迎以次侍衛為白 一

大小幄次及版位褥席排設行步席等物令各

該司照例進排司錦指揮舉行

為白

前一日掖庭署設殿下幄次於著英館南向

王世子次於幄次之後

隨地

設殿下版位於

靈壽閣庭東北向王世子位於版位之後北

向典儀設入侍諸臣

大臣著社
堂上禮官

拜位於王世

子位之後北向其日殿下具翼善冠衣龍袍

乘輦至耆社大門外左通禮俯伏跪啓請降輦

來輿殿下降輦乘輿左右通禮前導以入至

中庭左通禮跪啓請降輿殿下降輿左右通

禮前導入幄次繖扇侍衛如常儀 王世子具

翼善冠衣龍袍乘輦隨 駕至大門外降輦入

次宗親文武百官隨至大門外各就次引儀引

大臣耆社堂上禮官先就 靈壽閣庭中拜位

相禮引 王世子入就位左通禮詣幄次前跪

啓請出次 殿下出次左右通禮前導由東明

入詣版位北向立 侍衛不應入者止於門外 典儀曰四拜左

通禮跪啓請鞠躬四拜興平身 殿下鞠躬四

拜興平身 王世子及大臣以下皆鞠躬四拜

興平身 贊儀亦唱訖左右通禮導 殿下陞就閣上

前極近東西向坐相禮引 王世子從陞及通相禮

禮止於階下 承旨吏官內侍及大臣耆社堂上禮官

各一員侍入耆社堂上開龕承旨禮房及禮官禮曹

判書有故則次官 奉出 御帖匱置於案掖庭署先設匱案一於閣

內當中冊案一於座前各鋪紅袱 承旨跪開匱開祇奉 御帖

移置於案御帖奉出移奉時殿下 殿下奉

覽訖內侍進硯匣 王世子進詣侍坐於殿

下座後大臣及耆社堂上禮官承旨俯伏於前極外北向東上吏官在其後 殿

下親書 御帖訖承旨奉 御帖盛于匱內承

旨禮官奉 御帖匱還安于龕內承旨進當座

前俯伏跪啓進几杖贊儀尚衣提調奉几杖陞

自東階詣楹外跪先時尚衣院提調及郎廳以几杖或於龍馬細仗鉦吹前

導詣進者社權置於幕次授禮官禮官跪奉先捧几杖置于座

前承旨進跪奉几杖以授內侍內侍跪受侍立

於後左通禮進當楹外跪啓禮畢贊儀大臣

者社堂上禮官及尚衣院提調乃退殿下降

座左右通禮前導以出入大次敝扇侍衛如常

儀几杖在左王世子從降入次還官侍衛並

如來儀內侍各捧几杖列於右嗣後動駕時內侍奉隨於駕前而几左杖

親臨靈壽閣時本所堂上行知中樞府事申

思詰行副司直尹陽來知中樞府事李震箕知
中樞府事鄭壽期工曹判書李聖龍入叅奉朝
賀李宜顯行司直趙遠命來詣門外病未進叅
知中樞府事金有慶行副司直李夏源在外

入叅諸臣判中樞府事金興慶領議政金在魯
左議政宋寅明判中樞府事俞拓基右議政趙
顯命禮曹判書李宗城月城尉金漢蓋錦城尉
朴明源永城尉申光綏右承旨趙明履注書李
克祿假注書玄光宇檢閱鄭元淳兼春秋南彥

或

親臨耆英館 御製揭板於樑上時本所堂上

知中樞府事李震箕工部判書李聖龍進叅

九月

二十二日○御製入刻于板填金入肉
膚覽後揭于樑上而人物力戶曹退排

謹按 英宗朝入耆社時凡諸儀節一遵

肅廟已亥故事唯跋文 親製展拜 靈壽

閣一節添入儀註

冬十月進宴于 大王大妃殿

上親為詞

詳編

有歡而罷語諸臣曰親在不稱老

然 靈壽閣所受几杖奠于 東朝座右歌此詞

聊代班斲戲也

耆社志卷五目

丁編二

入社紀事



耆社志卷五

豐山 洪敬謨 編

丁編二

入社紀事

此編 英宗朝入社後紀事也

英宗二十八年壬申二月 上幸耆老所展拜 靈
壽閣

辛未十二月三十日 傳曰明年予年與昔年入
耆社之年相符追惟往年一倍追慕其日當展拜
靈壽閣奉審以此分付儀曹

壬申二月十一日 幸耆老所 上出明政門陞

輦 教曰筆墨待令於 靈壽閣可也 駕至黃

橋召承旨 教曰此奉審異於展謁入 靈壽閣

後軍兵即為解甲承旨金善行曰 還宮時軍兵

還為看甲乎 上曰仍為解甲 上入耆英館後

教曰原任大臣耆社諸臣隨駕兩都尉入叅於

靈壽閣又 教曰今見懸板中有 御諱之說此

後舉動時門外下馬為定可也此懸板懸之何年

耶都承旨李誥輔曰甲子年矣 上曰回鑾時懸

板摘入可也又 教曰回鑾時摘入則予似有厭

下馬之意姑為置之回鑾後摘入可也 上詰

靈壽閣版位行禮後仍上殿閣門外拱手而立耆

社有司堂上領議政金在魯開龕門 上曰大臣

似不開之而今開之者以耆堂末僚而然耶判府

事鄭羽良曰 殿下若奉審則大臣開龕門禮堂

奉櫨有例矣 上曰然乎禮堂及禮房承旨奉

御帖櫨出置案上而解袂 上曰冊二卷外無他

件乎在魯曰無他件矣 上親自開卷後俯伏涕

下不忍看 教曰初二張 景廟御筆第三張予

筆也序文在末矣在魯曰序文臣三寸作之矣

上曰然乎又閱視親寫序文曰字畫甚細今則不能分明看之矣予之今日之復來誠是萬萬意外矣羽良曰無前盛事矣上曰予欲書數字曾有思之今忘之矣上親寫御帖小識曰筆畫老矣眼不分明故如是書之矣又教曰當入御製之中承旨謄之可也承旨尹尚任謄之上曰讀之羽良曰筆畫不減於甲子年矣喆輔曰甲子序文小臣之眼不能看之矣上曰豈其如此細乎在魯曰臣亦不能見之矣喆輔曰斟酌見之而實不明看矣上曰初入耆社之人其皆奉審乎在魯

曰肅拜而奉審矣 上親為封霽曰當初亦如此

緘之乎又親鎖櫝禮堂及禮房承旨奉置故處

上起而隨之奉安後在魯鎖龕 上曰領相勤幹

之人如此之事亦必慣為之矣 教羽良曰卿之

父不得入來乎羽良曰近有奇疾不得入來公私

悵然矣 上指一耆堂曰彼誰也羽良曰趙錫命

也 上笑曰聞其名見其面始知之矣何其朽敗

之甚也錫命曰老病滋甚自然而然矣 上曰頃

日 陵幸還宮時見卿之祇迎良久思之終不覺

之矣禔曰此人於臣為一年長而甚衰矣 上曰

其言自誇其不衰也又曰 穆廟五十八歲入此

閣耶在魯曰然矣 上曰予可謂毒矣在魯曰千

古榮幸矣 上曰今日入來齋堂待下教入來可

也顧錫命曰能入侍否羽良曰脚力則好矣此人

與臣之父徃徃相從矣 上曰諺所謂兒從兒老

從老也又曰若知有今日則豈為甲子之舉乎今

日事誠是意外也在魯曰以萬壽無疆之期望矣

上曰齋堂各言其年禍曰臣年七十八錫命曰臣

年七十九思緒曰臣年八十二矣 上問羽良曰

卿之父年幾何羽良曰八十九矣 上下閣庭時

指前簾曰此簾常時垂之耶在魯曰然矣 上出
閣門外命承旨曰大門懸板分為插入以紗覆之
可也

藥房入診入侍時領議政金在魯曰頃日 靈壽

閣舉動時大門外懸板有籠紗之 教若以紗籠

則門外懸板即當渝傷移付壁上設以紗籠乎

上曰使之籠覆者只令以紫色木綿覆之而更思

之則到今不必揭舊板入櫝藏置可也 二月十六日

禮曹啓曰 傳曰明年予年與昔年入耆社之年

相符追惟往年一倍追慕其日當展拜 靈壽閣

奉審以此分付儀曹事 命下矣取考謄錄則已

亥二月十一日 肅廟朝入耆社矣依 下教

靈壽閣 親臨展拜以來二月十一日定行之意

敢啓 傳曰知道 正月初二日

禮曹啓曰今此 靈壽閣 親臨展拜時百官當

為入叅行禮而取考謄錄則甲子年 親臨耆社

行禮時只耆老諸臣入叅而百官則元無入叅之

事矣今審則何以為之乎敢稟 傳曰依前舉行

二月初二日

政院啓曰耆社諸臣幾人來叅問啓事 命下矣

問于耆老所則領議政金在魯行知中樞府事申
思詰行左叅贊權禰知中樞府事趙錫命進叅云
矣敢啓 傳曰知道二月十一日

展拜儀

禮曹節目二月十一日

靈壽閣

親臨展拜

時 殿下具翼善冠衣龍袍出宮時宗親文武

百官以黑團領弘化門外分東西序立 大駕

將至鞠躬祇近以次侍衛至耆老所 殿下入

大次百官大門外各就次

為白

一 殿下仍

御衣龍袍入就 靈壽閣庭版位行四拜禮而

耆老諸臣亦以黑團領入參行禮為白

一

殿下行禮訖陞詣閣內奉審時只承旨史官內

侍耆社堂上各一員從入而耆老諸臣則仍為

序立為白

一殿下展拜禮畢還宮時宗親

文武百官出就耆社洞口外分東西立大駕

將至鞠躬祇迎以次侍衛為白

前一日掖庭署設殿下帷次於耆英館南向

隨地之宜殿下版位於靈壽閣庭東北向典儀

設耆老堂上拜位於版位之後近南北向其日

殿下具翼善冠衣龍袍采幘至耆社大門外左

通禮俯伏跪啓請降輦乘輿 殿下降輦乘輿

左右通禮前導以入至降輿所左通禮跪啓請

降輿 殿下降輿左右通禮前導入幄次繳扇

侍衛如常儀宗親文武百官隨至洞口各就次

展拜時至左通禮跪啓外辦引儀引耆老堂上

先就 靈壽閣庭拜位左通禮詣幄次前跪啓

請出次 殿下具翼善冠衣就袍出次左右通

禮前導由正門入詣版位北向立

侍衛止於門外贊儀

曰四拜興平身左通禮跪啓請鞠躬四拜興平

身 殿下鞠躬四拜興平身耆老堂上諸臣鞠

賜四拜興平身

引儀

訖左右通禮導

殿下入

閣內承旨史官內侍者堂各一員侍入

通禮上
於階下

奉審訖左右通禮導

殿下還出正門入帳次

鼓三嚴左通禮跪啓外辦

殿下具翼善冠衣

龍袍以出還宮侍衛並如來儀

御帖奉審時節次一如甲子年例而儀注中

不入故自今所招致禮書書吏奉審時禮堂

及禮房承旨預待事分付使之舉行而奉審

時所入橫案及冊案硯匣紅袱等物自振庭

署待令

親臨展拜時本所堂上領議政金在魯行知中
樞府事申忠肅行左叅贊權禎知中樞府事趙
錫命入參行副司直鄭壽期病不進

三十年甲戌正月元朝 上幸耆老所展拜 聖壽
閣以 聖壽周甲 太祖入耆社之歲也

癸酉十二月二十三日禮堂入侍時 上曰耆社
舉動草記姑不下蓋軍兵之弊多矣且歲首展拜
當然故以初一日欲為并行矣禮書判書金尚星
曰明年即 太祖大王入耆社之年而又當無前
之慶臣民喜幸曷可盡達 上曰再昨夢如庚子

侍湯之時覺來心猶不平矣昨日 慈聖以予回
甲將製衣以下為 教今雖樂矣不如庚子之前
矣來年甲戌以 太祖入耆社之年雖可為樂而
他何足稱慶乎尚星曰來年既是 太祖入耆社
之年且當 殿下周甲之年臣民之慶喜何可言
乎 上曰思及昨年冬事心猶寒矣大禮後卿等
何以為計耶今聞 慈殿下教心尤如何欲逃走
矣尚星曰二十八日時原任大臣欲陳請云矣
上曰惟其意也游也宴也任自為也

甲戌正月初一日卯時 上詣 太廟舉動時行

都承旨黃景源左承旨金陽澤左副承旨金文行
右副承旨李壽得同副承旨韓光會入侍 上曰
靈壽閣展拜後樂作詣勤政門後止之硯具待令
于 靈壽閣事分付工曹 上詣永禧殿展拜奉
審後仍詣 靈壽閣行禮後 教曰柳復明入者
社乎景源曰有實職然後當入矣 上曰實職姑
無寧乎景源曰實職姑無寧而雖為知事亦當入
矣 上曰兵判入侍兵曹判書李益炡進伏 上
曰柳復明魚有龍尹鳳朝特除知中樞在京者并
入侍于 靈壽閣又 教曰李重庚洪重徵開

靈壽閣殿門禮堂奉出冊橫設席可也禮堂奉出
上親用橫書小識教曰當今年感懷一倍矣俄
者路逢老人之賀祝今年可謂已受賀諸臣之賀
其上之又教曰陪從百官自耆社門落後勿入
光化門直詣 毓祥宮事分付李重庚曰人若入
耆社誠不易之事且臨御三紀亦史牒所罕今
承諸臣之賀其上之之教羣情方此抑鬱恐不
可不俯從矣上曰又來請於此處耶昔亦有甲
戌年何獨於予謂異事乎重庚曰茲事光明正大
豈可不俯從乎上頷謂全在魯曰屏帶入來云

欲取隨於此矣在魯曰好矣 上曰犀帶禮即奉
來可也禮曹判書金尚星曰犀帶當由正門而入
乎 上曰此門異於他門由正門何妨也此帶今
日見於此處誠異事矣尚星曰李袞能善封進矣
上曰袞之為人可謂誠實禮曹正郎李世鉉進犀
帶櫝 上曰此似是 潛邸時所帶矣在魯曰犀
帶本非人君所帶 潛邸時所帶無疑矣 上曰
訓將所帶是古人歐陽脩之帶我朝亦有御犀帶
矣在魯曰平壤武烈祠亦有賜送犀帶云矣尚星
曰李袞庶雅可尚而以此帶之封進亦可知其為

人笑 上曰果然矣尚星曰當還于三陟乎 上
曰好矣仍 教曰今年回甲豈意始料是惟昔年
入耆社尤倍此心 靈壽閣展拜後使耆社諸臣
前導由光化神武門詣 毓祥宮而勤政門乘輿
回駕時同門前乘輦以此分付 上詣 毓祥宮
展拜後 上曰昔年予以二十五歲時以寶劍入
叅於 肅廟入 靈壽閣之時而予又扶杖而當
此年擔懷一倍矣仍 命書 御製十一句使編
次人趙明履讀奏奏訖 上曰明政殿與勤政殿
同前導鼓吹入於殿庭事分付又 教曰耆社諸

臣落後事領相處使官往諭

親臨展拜時本所堂上領議政金在魯行知中
樞府事申思詰權禰知中樞府事李重庚洪重
徵柳復明魚有龍進叅知中樞府事金鎮商尹
鳳朝在外

三十二年丙子七月 上幸耆社臣進賀子 東朝
初五日 上以 東朝七旬召耆社臣宣饌以歸
慶初七日 傳曰萬萬夢想之外周甲巳過今又
二歲而於今年 慈聖寶筭恰滿七旬此誠往牒
所無者自古帝王享年雖高其時奉太后者莫之

聞也此誠海東莫大之慶也而雖書諸史牒可謂
盛事然以予恒日之心追慕之中喜惧交切故凡
諸等事體 慈意務從節約奉上元朝冊寶之外
稱觴等節其亦寢焉而然上彌稱觴其例已多豈
足以稱今日之慶乎再昨追惟昔年入耆社之事
又憶 東朝莫大之慶特召耆社諸臣於 真殿
門外欲見 慈聖聞之特賜其饌此亦徃牒豈有
餘懷耿耿半夜忽憶仍不能寐其憶何大抵國有
罕有之慶則必有罕有之事羣百官賀 慈聖豈
有典禮而即體故事也且文王之恤老聞而不宿

况為 慈聖之事既憶而逾日乎且今日卽第三
日也今日牽耆社諸臣及宗親文武宰列年六十
以上當進致詞表裡陳賀於 慈殿門外古有登
俊試昔有萬科而近年亦行道科傳曰上老老而
民興孝無前之慶豈無無前之科乎明日當親行
儒武六十以上庭試名曰耆老庭試武士科規依
丙辰年例帷箭貫革一中舉行侍衛一依今日例
舉行錄名時考籍舉行以示嚴科場之意又 傳
曰召試畢後當於春塘臺陪筵詣萬安門外行禮
而軒架設於萬安門外六十以上二品行禮於仁

改西庭而昔年錫宴時 景廟在東宮忝其宴其
雖耆宴忝宴意有在百官雖不忝元良一依此例
詣仁政門外幕次祇迎後入西庭行禮大臣異於
他雖非耆舊一體行禮大臣諸臣先會進善門內
道南祇迎後隨入行禮此是闕中挾輦軍置之只
入直禁軍將領左右挾輦元良挾輿以禁軍三十
人舉行致詞龍亭前細仗鼓吹依例舉行廼與耆
社臣及宗親文武卿宰年六十以上進頌于 東
朝設耆老科試儒武年六十以上拆號唱名如例

三十六年庚辰正月 上幸耆老所展拜 靈壽閣

十六日 上迎勅後還宮至仁政門外 教曰再

明送勅時先詣 靈壽閣為許卿等欲知此日將

為何事耶左議政李瑄曰此實千古所無之慶陳

賀之舉似不可已也 上曰昨年既以此事稱慶

今又陳賀則一事再賀決不可為也十八日送勅

動 駕時先詣 靈壽閣展拜訖 御耆英館

命耆社諸臣入侍奉朝賀李誥輔知中樞府事洪

鳳祚奉朝賀徐宗伋漢城府判尹俞敏基行副司

直金相頤以次進伏 上曰奉朝賀之年予知之

其餘各陳年甲可也鳳祚曰臣八十一歲庚申生

吳宗伯曰臣七十三歲戊辰生矣東菴曰臣七十
二歲己巳生矣相頤曰臣七十一歲庚午生矣

傳曰今日 靈壽閣展拜實是萬萬料外今日耆
社諸臣各熟馬一疋面給月臺欲為宣諭意實詭
恩耆英館入侍之臣與他有異其中年六十七歲
人特為加資承旨侍率諸臣各半熟馬一匹史官
兒馬一匹賜給 還宮時御仁政殿月臺宣諭訖
命耆老民使之進前 上曰爾等年歲何各陳之
耆民等以次仰對 命耆傳教曰今日宣諭時入
庭耆民中六十七歲以上人特加一資

三十八年壬午二月 上幸慕華館歷臨耆老所

二十二日

上幸慕華館駐輦於興化門前路教

曰噫今年萬萬夢想之外仰符於國初癸未 聖

筭之年中夜興懷一倍此心為先拜於 靈壽閣

以此分付仍詣耆老所展拜 靈壽閣

三十九年癸未正月元朝 上詣 靈壽閣 親題

小識于御帖

壬午十一月十二日三大臣二品以上入侍時

傳曰噫予則雖千千萬萬夢想之外今日延臣復

見國初甲申昔年癸巳盛事偶然相符之事今番

此請夫雖曰過矣而予則於此事心若石此意已
諭於昨日而猶許頃日求對昨日齊顙一則使諸
臣洩其懷伸其情也若至庭請當此深冬百官大庭
凍處輿僮下賤忍寒闕庭中夜興思若寒在已初
則拜殿顙懷而三軍亦不可不顧噫 陟降洋洋
如在其上何待顙殿今日召見飢民之後召集已
會二品以上望西郊而仰奏其奏誰何奉事雖難
從群情亦不可抑鬱故轉以初欲只行頒教之意
快許正朝賀儀者雖然噫否德無能徒位徒壽敢
踐 兩朝之舊事是誰之賜 陟降攸賜坐初業

之舊基使百官耆老之人賀於光化門之內此亦
非予受也此三百年後復賀 陟降也此則雖不
肖既逢此年使 兩朝盛事不泯於後世也噫諸
臣既已伸懷於此年揄揚舊事嗣君祛其張大存
其禮儀上以揄揚盛事下以伸其群情儀雖簡而
禮則盡噫以予之心豈忍復受其賀而此亦由軫
羣情者也於諸臣無闕禮之事於嗣君為有所據
之事予則曰一舉兩得以此付諸史官亦豈非光
嘉垂後之道乎 太室先告事由朔祭無行 永
寧殿 社稷同日舉行而此與循例告由有異

儲慶宮毓祥宮一體舉行而徽寧殿自去同告由
中其朝先展謁次展拜受禮於勤政殿年七十以
上耆老之民其令入叅於光化門內頒赦推恩等
事仰依丙子前例舉行其日當歲首軍兵一依今
舊動駕例以內外營八直舉行回駕後復八直噫
臨御幾十載無一患政又逢此年畿甸三南賑政
伊日當申飭而勿論京外上元前用牌推捉等事
切勿舉行太學典儀除贖京外老人賜米亦依丙
子年例舉行中宮殿賀回駕後舉行東宮賀異於
常時置之諸道箋文正朝陪箋時同差負舉行展

謁後展拜前當拜 靈壽閣一體分付只京表裏

舉行物膳則正朝物膳置之只舉行此物膳外方

方物物膳一併置之只封箋文正月初一日 上

謁太廟展拜 璿源殿仍詣 靈壽閣 親題小

識于 御帖書下 御製於耆臣還 御勤政殿

受百官賀頒赦以 聖壽七十即位四十年也

四十年甲申正月 上幸耆老所展拜 靈壽閣

正月初四日 傳曰展謁既已進定酌獻禮今二

十日進定事分付回駕時展拜 靈壽閣矣初九

日 傳曰 儲慶宮展拜時 靈壽閣展拜時軍

兵道上留住只大臣耆社之人入參

親臨展拜時中祈堂上奉朝賀俞拓基奉朝賀
李喆輔判中樞府事李堯輔行副司直鄭亨復
行副司直朴致和行副司直韓師得行副司直
宋昌明行司直俞寔基京畿監司沈星鎮知中
樞府事李恭和進叅行知中樞府事魚有龍行
副司直金相奭病未進叅知中樞府事金相紳
在外

四十一年乙酉正月耆社諸臣䟽請設宴陳賀

大臣禮堂以 聖壽望八請設宴陳賀 上不許

王世孫親寫疏以進

上又不許百官庭請者臣

奉朝賀俞拓基奉朝賀李喆輔判中樞府事李鼎

輔行副司直朴致和行副司直鄭亨復行副司直

宋昌明行副司直金相奭行司直俞徽基知中樞

府事沈星鎮行司直金相紳工曹判書李恭和等

上疏伏以臣等嘗竊觀古人之祝其君者必曰壽

考無疆蓋君臣之間義根于性愛結于心欲其戴

而事之無窮極耳夫既平日之祝如彼其切則及

其豈第君子受命既長也惡得無飾喜志慶之舉

乎恭惟我 聖上殿下篤行盛德克享遐祉 寶

筭之躋于七袞三載于今自茲以往又不知為幾
萬斯年此實天地宗社之所垂佑漢唐宋明之
所未有其為慶果何如也而大小臣工之前後祈
請顧不過歌風雅之什獻海屋之籌少寓其欣忭
頌禱之誠而已禮非無稽事異張大則何殿下
之不賜休諒也今夫閭巷匹庶之有年老父母者
尚為之具飲食會親黨以展一日之歡臣之於君
何異子之於父而上聽愈邈下情莫伸一國臣民
恒懷慊慊况如臣等忝列耆社生老太平之世優
游壽域之中頂踵毛髮皆聖上所賜雖其精力

已耗不能夙夜于廷若夫一段愛日之誠倍萬恒
品而或跡謝朝班或病淹床席當此賓廳合辭之
日未由隨諸臣後自效犬馬之忱茲敢不避僭猥
相率封章伏乞 聖明亟回謙衷俯循群請以伸
臣子之誠益近岡陵之福不勝幸甚

答曰噫省耆舊之章倍憶昔之心吁嗟章頭即昔年
之玉堂也嗚呼予旣冥然卿亦到此今日此章遙望
西郊有涕如瀉予心若此卿心若何惟願耆舊諸老
諒予一段苦心其勿因我使我使心同老子餘年此
豈不愈於一日浮文乎同府耆舊諒我諒我

八月 上幸耆老所展拜 靈壽閣

四十五年己丑五月 上幸耆老所展拜 靈壽閣

二十四日 上以是月是日 太祖諱曰延仲

聖慕下備忘記曰噫忍加一年今遇此日此心何

抑此心何抑何以伸懷何以伸懷今日當拜 靈

壽閣當以駕輜進詣初嚴待下教舉行世孫祇迎

留置留陣置之午時 上詣 靈壽閣展拜記

教曰由正路陞閣乎注書蔡弘復問于大臣還奏

曰當由正路云矣 上步上 靈壽閣命開龕瞻

聖良久更命開龕伏軒楹間移時藥房都提調金

致仁曰時已久矣 上起坐曰耆社諸臣知中樞
府事李益炆鄭亨復南恭濟行司直沈星鎮金始
煥工書判書李吉輔知中樞府事李光溥李之億
安允行進前 上曰鄭亨復能步貴矣年紀幾許
亨復曰八十四矣 上曰 靈壽閣懸板誰某寫
之益炆曰故判書申鉉八十一歲書之矣 上曰
貴矣今日 靈壽閣為卿等祝年予之筋力則不
若卿等矣益炆曰九人元節皆不及 聖上矣
上笑曰李益炆年至耆年諂君如是乎又曰坐俯
伏良久又起坐仍降閣庭步出耆社門乘輜親寫

御製詩曰憶昔年來 寶閣香山九老一庭中命

賜耆社諸臣進發詣 毓祥宮駕至景福宮前召

承旨閔弘烈 親寫今字使之添書 御製詩憶

字工詣 毓祥宮傳曰昨日更令讀奉考 實錄

今日來拜 靈壽閣懷萬倍今歇後語噫以予之

氣今逢此年豈夢想彼料況既下教晚夢教拜

園陵亦豈偶然也哉嗚呼陟降若此不肖何以報

答于今憶昔尊年即予第一件事此年為 慈聖

設耆老科癸未年予亦行焉況思乃祖乃父亦國

初遺老然與前有異今耆文武年七十以上明日

建明門耆老科官設取噫七十古來稀況八十豈
可踰年當即日唱獨依此舉行 上還宮采興

教曰國初以來設耆老科者當兩次丙子年耆老
科即為 慈宮也其固然矣癸未耆老科敬退遵
昔年心倍於萬億今年何年此昔加一年今日何
日還宮東郊心損膽墜思此陰躬拜 靈壽閣少
伸微忱而此月何月即庚子禪月也噫此一員難
耐者若此其能抑心焉可得也噫若過數日來月
何月還宮西郊微忱益切今耆耆老科予宜樂為
實憶昔年此諸願年尤有加焉此心憧憧其即回

駕其意在此也又 教曰御案御筆令戶書作帖
一件內入一件留置奉所入侍者社諸臣各賜一
件

十月 上幸於義宮歷臨耆老所展拜 靈壽閣

四十七年辛卯九月 上幸耆老所展拜 靈壽閣

召見耆社諸臣

十七日 上詣耆老所展拜後 御耆英館命耆

社諸臣入侍判教寧亭益炆知事南恭齊行司直

安允行邊致明進伏 上曰耆社作帖盡為之乎

益炆曰徐命臣作故而錄中姑未刪去矣 上曰

持來益炷持而進前 上披覽後命書傳教曰今
達此月誠千千萬萬料表是誰賜是誰賜近者餘
懷憧憧之中不耐此心持來 靈壽閣先拜坐館
召諸耆者許多耆者只見四人此心一倍取覽新
圖帖其中尹汲尹鳳五李之億李吉輔其雖莫見
依係其樣噫張翥喻各其家子衣資食物題給
雖未見圖像故耆耆金尚翼金尚重于今焉在予
心愴然其子一體衣資食物題給以示予意益炷
曰今日與他有異而耆社 君臣一堂齊會此則
漢唐宋古未有之事特許一字俞音以解臣等抑

鬱焉

上曰雖萬請半字俞音難矣蓋炆曰不欲

張大自著社辦設四五床與著社諸臣一日會宴

好矣

上曰大臣輩亦欲會入則其亦難矣恭濟

曰此重臣之所奏實合臣等之意而聖世之為

一美事正降俞音臣所望也致明曰不必欲張大

而彼重臣欲自擔當之計更勿下如此之教特許

一字俞音焉

上曰卿等何以出此恠言也予心

已固歸等退而休處可也蓋炆曰聖教雖如此

必下一俞字然後臣等可以喜而退去矣上曰

雖鼓舞而去萬無聽施矣仍命著社諸臣退去

四十八年壬辰二月

上幸耆老所展拜

靈壽閣

召見耆社諸臣

詳見下篇

四十九年癸巳四月

上幸耆老所展拜

靈壽閣

召見耆社諸臣

初一日

上幸耆老所展拜訖出御耆英館命諸

耆童八侍益炆等進伏曰昨日既伏蒙賜食之恩

臣等亦欲進饌矣

上曰以飯羹為之而毋過五

器可也益炆曰然則何日為之乎上曰明日為

之仍命沈星鎮等諸耆童新來又

命都承旨

具廩書下

御製三句命八侍諸臣廣進

上曰

今日入耆堂熟馬一匹賜給守直官陞叙奉所
下人令該曹米布題給

七月 上幸耆老所展拜

靈壽閣

詳見下篇

五十年甲午九月 上幸彰義宮召見耆社諸臣

王世孫上疏陳今年五大慶之意請賀儀 上許

之適於九月

日御崇政殿受賀尋與

世孫

幸彰義宮召見耆社諸臣及洞民之年八十者賜

帛有差



